



## გ ა ნ ჩ ი ნ ი ბ ა საქართველოს სახელი

29 მარტი, 2011 წელი

ქ. თბილისი

თბილისის სააპელაციო სასამართლოს  
ადმინისტრაციულ საქმეთა პალატაში  
შემდეგი შემადგენლობით:

მოსამართლე – მერაბ ლომიძე

აპელანტი – საქართველოს თავდაცვის სამინისტრო;

მოწინააღმდეგე მხარე – გენადი გიგაური;

გასაჩივრებული გადაწყვეტილება – რუსთავის საქალაქო სასამართლოს 2011 წლის 18 იანვრის გადაწყვეტილება

დავის საგანი – პირგასამტებლოსა და ზიანის ანაზღაურება;

ზეპირი მოსმენის გარეშე განიხილა სასამართლო განჩინების საჯაროდ გავრცელების საკითხი და

**საქმის გარემოებებთან დაკავშირებით მითითება:**

რუსთავის საქალაქო სასამართლოს 2011 წლის 18 იანვრის გადაწყვეტილებით მოსარჩელე საქართველოს თავდაცვის სამინისტროს სარჩელი დაკმაყოფილდა ნაწილობრივ; მოპასუხე გენადი გიგაურს მოსარჩელე საქართველოს თავდაცვის სამინისტროს სასარგებლოდ დაეკისრა ჯარიმის სახით 13 408,8 ლარისა და ზიანის - 545,10 ლარის გადახდა; მოსარჩელე საქართველოს თავდაცვის სამინისტროს უარი ეთქვა ზიანის საკომპენსაციო თანხის 12 887,68 ლარის და პირგასამტებლოს 4 022,64 ლარის ანაზღაურებაზე;

რუსთავის საქალაქო სასამართლოს 2011 წლის 18 იანვრის გადაწყვეტილება სააპელაციო წესით გასაჩივრებული იქნა მოსარჩელე საქართველოს თავდაცვის სამინისტროს მიერ.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 25 მარტის განჩინებით საქართველოს თავდაცვის სამინისტროს სააპელაციო საჩივარი მიღებულ იქნა განსახილველად და საქმის განხილვა დაინიშნა ზეპირი მოსმენით 2011 წლის 07 აპრილს 16:30 საათზე, თბილისის სააპელაციო სასამართლოს №8 სხდომის დარბაზში;

საქმის მასალებით დადგენილია, რომ მოწინააღმდეგე მხარე გ. გიგაური რეგისტრირებულ მისამართზე არ ცხოვრობს და გაგზავნილი სასამართლო გზავნილები ვერ ბარდება, ვინაიდან ბინა გაყიდული აქვს.

სააპელაციო სასამართლო განმარტავს, რომ საქართველოს სამოქალაქო საპროცესო კოდექსის 369-ე მუხლის თანახმად დასაბუთებული გადაწყვეტილების გადაცემის მომენტად ითვლება დასაბუთებული გადაწყვეტილების მხარისათვის ჩაბარება ამ კოდექსის 70-78-ე

მუხლების შესაბამისად.

საქართველოს სამოქალაქო საპროცესო კოდექსის 70-ე მუხლის თანახმად მხარეს ან მის წარმომადგენელს სასამართლო უწყებით ეცნობებათ სასამართლოს სხდომის ან ცალკეული საპროცესო მოქმედების შესრულების დრო და ადგილი. უწყება მხარისათვის და მისი წარმომადგენლისათვის ჩაბარებულად ითვლება, თუ იგი ჩაბარდება ერთ-ერთ მათგანს ან ამ კოდექსის 74-ე მუხლის გათვალისწინებულ სუბიექტს. წარმომადგენელი ვალდებულია, უწყების ჩაბარების შესახებ აცნობოს მხარეს.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სევაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სევა საშუალებებში გამოქვეყნებით.

სააპელაციო სასამართლოს მიაჩნია, რომ მოწინააღმდეგე მხარეს გენადი გიგაურს თბილისის სააპელაციო სასამართლოს შეტყობინება უნდა ეცნობოს საჯარო შეტყობინების გზით, კერძოდ თბილისის სააპელაციო სასამართლოს ვებგვერდზე ([www.tbappeal.court.ge](http://www.tbappeal.court.ge)) და სასამართლოს საინფორმაციო დაფაზე, ვინაიდან სასამართლო შეტყობინების ჩაბარება სევაგვარად ვერ ხერხდება.

სააპელაციო პალატამ იხელმძღვანელა საქართველოს ადმინისტრაციული საპროცესო კოდექსის პირველი მუხლით, საქართველოს სამოქალაქო საპროცესო კოდექსის 372-ე, 78-ე, მე-200 და 284-285-ე მუხლებით და

## დ ა ბ დ გ ი ნ ა:

1. ადმინისტრაციულ საქმეზე №3ბ/534-11, მოწინააღმდეგე მხარე – გენადი გიგაურს სასამართლო შეტყობინების საჯაროდ გავრცელების საშუალებით ეცნობოს, რომ საქართველოს თავდაცვის სამინისტროს სააპელაციო საჩივრის ზეპირი განხილვა, რუსთავის საქალაქო სასამართლოს 2011 წლის 18 იანვრის გადაწყვეტილებაზე, დანიშნულია თბილისის სააპელაციო სასამართლოში 2011 წლის 07 აპრილს, 16:30 საათზე, სხდომის დარბაზი №8 (თბილისი, გრ. რობაქიძის გამზ. №7<sup>o</sup>);
2. სხდომაზე დასაბარებელი პირი გაფრთხილებულ იქნას, რომ არასაპატიო მიზეზით გამოუცხადებლობის შემთხვევაში, სასამართლო მის დაუსწრებლად გამოიტანს გადაწყვეტილებას საქმეში არსებული მასალების და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით; სასამართლო განჩინება საჯაროდ განთავსდეს თბილისის სააპელაციო სასამართლოს ვებგვერდზე ([www.tbappeal.court.ge](http://www.tbappeal.court.ge)) და სასამართლოს საინფორმაციო დაფაზე.
3. სასამართლო შეტყობინება მხარისათვის ჩაბარებულად ითვლება თბილისის სააპელაციო სასამართლოს ვებგვერდზე და სასამართლოს საინფორმაციო დაფაზე განთავსებიდან მე-7 დღეს.
4. განჩინებაზე კერძო საჩივრი არ დაიშვება.